

auff Erden ist / das sichtbare vnd vn sichtbar
re / beide die Thronen / vnd Werrschafften /
vnd Furstenthume / vnd Oberkeiten / Es ist
alles durch in vnd zu im geschaffen / vnd er
ist vor allen / vnd es bestehet alles in im. Die-
se wort können nicht von Christo nach der
Menschheit geredt sein / das ist gewis / Denn
er ist nicht Mensch gewesen / vor allen Creatu-
ren / sondern sind hewr 1. 5. 43. jar / das er
Mensch worden ist / Vnd ist fur war ein ge-
waltiger klarer spruch / das Christus / ein
Ewiger Gott Schepffer Himels vnd Erden
sey / Vnd noch hentiges Tages / vnd jmer
fort alles durch in bestehe / erhalten oder ge-
macht werde / auch alles was hoch ist im
Himmel vnd Erden / Engel vnd Geister / sicht-
bar vnd vn sichtbar. Hierin stimmet er mit
Johanni gleich / da er spricht / Alles ist durch
in gemacht / vnd on in ist nichts gemacht /
was gemacht ist. Höret nu Mose / vnd beken-
net die Wort Johannis / So höret vnd beken-
net er gewislich auch diese wort Pauli / Vnd
spricht / Ja mein lieber Paule / Eben wie du
vnd Johannes sagest / so habe ich auch ge-
schrieben / das alle ding sind durchs Wort
geschaffen Gen. 1.

Weiter spricht Paulus 1. Corin. 10. Sie
truncken von dem geistlichen fels / der mit
inen zoch / Der fels aber war Christus / Ist
Christus